



Paul: Emma, leet mi ens mä üüb de seedel luke!

Emma: Natüürelk. Luke ens Paul: Mam hee det för üs gans grat skrewen an uk en betj wat apmoolet, dat wi det tup lees kön.

Paul: Witjst dü, wat wi kööge?

Emma: Jä, det jaft daaling en salaat mä radiisen, wortler an gurken. An diartu maage wi do Spaghetti.

Paul: An det witjbrud?

Emma: Det iidj wi imer mä tomaaten an en betj ööle üüs föörspiis.

Paul: Uu, det as jo üüs uun en italieens wartshüs!

Emma: Jä, mam an aatj haa iar imer uurlaup uun Itaalijen maaget!

Paul: Wi haa uk noch skaloten, windrüüwen, banaanen an aapelsiinen keeft.

Emma: Ik liaw, en skalot brük wi för det diiwing. An ütj windrüüwen, bananen an aapelsiinen maage wi en salaat tu beeftuun.

Paul: Emma, huarmä began wi nü?

Emma: Dü könst dön wortler skele an ik tau dön tomaaten an radiisen uf. Mam komt do uk gliks an halept üs bi't skeeren an bi dön Spaghetti.

Paul: Fein, ik san uk al gans hongrig!

Emma: An man maag gnoret uk al. Leet üs began, Paul!